

Z cyklu - felietónowé wierzte – 29 (Przészło wiadło z Watikanu)

Przészło wiadło z Watikanu,
Że Francëszk mdze abdikòwôt
A tu Gòdë czësto krótkò
Ale mòże nie mdze Gòdów...?

Błogòstawic ùrbi, òrbi
Kò to jegò je robòta
Swiãti papa z Argentinë
Chcë so òdënc cësi kòta...?

Jak Benedikt pò niemieckù
Dostónie emeriturã?
Tec to lewi zarò wëckną
A dô z tegò w niebie dzurã...

Pùdze mejl do Betlejemù
Co je robic w taczim sztóce
Swiãto copnie sã Familia
Gwiôzdze kôżą miks zawrócëc...

Mãdrzcë trzeji zmilą drogã
Kùmki tsunami jaczé zdmùchnie
A nòtlëstszi aniół w chmùrze
Òd trąbieniô "gloriów" spùchnie...

Trudno. Gòdë òdwòtóné -
Mëśli Bóg. Cëż tu dac jima
Wiém! Jaz grzimnãto pò blónach:
Wëgrò mùndial Argentina!

Tómk Fópka, Chwaszczëno, 18 gòdnika 2022 rokù, gòdz. 8.19 p.p.